

სსიპ კოლეჯი „თეთნულდის“ ტერიტორიაზე თამბაქოს მოწევის აკრძალვასთან/შეზღუდვასთან

დაკავშირებული წესი

1. წინამდებარე წესი შემუშავებულია „თამბაქოს კონტროლის შესახებ“ საქართველოს კანონის საფუძველზე და არეგულირებს სსიპ კოლეჯი „თეთნულდის“ (შემდგომში კოლეჯი) ტერიტორიაზე თამბაქოს მოწევის აკრძალვასთან/შეზღუდვასთან დაკავშირებულ საკითხებს.
2. თამბაქოს მოწევა აკრძალულია კოლეჯის შენობა-ნაგებობაში, ასევე კოლეჯის მთელ ტერიტორიაზე. თამბაქოს მოწევა აკრძალულია კოლეჯის შენობა-ნაგებობებში ან/და ტერიტორიაზე, გარდა კოლეჯის ღია სივრცეში, სადაც მოწყობილია ადგილი თამბაქოს მოწევისათვის. აღნიშნული დაწესებულების ტერიტორიაზე ასეთი ადგილების რაოდენობა 3-ს არ უნდა აღემატებოდეს, ხოლო თითოეული ადგილის ფართობი 20 კვადრატულ მეტრზე მეტი არ უნდა იყოს. თამბაქოს მოსაწევი ადგილი აღჭურვილი უნდა იყოს საფერფლით ან/და სანაგვე ურნით.
3. კოლეჯში დასაქმებული პერსონალი, სტუდენტები, ასევე ნებისმიერი პირი, ვალდებული არიან დაემორჩილონ კოლეჯში თამბაქოს მოწევის აკრძალვასთან დაკავშირებით დადგენილ წესს.
4. კოლეჯი ვალდებულია უზრუნველყოს თამბაქოს მოწევის აკრძალვა/შეზღუდვა კოლეჯის შენობა-ნაგებობაში ან/და ტერიტორიაზე, გარდა ნებადართული ადგილებისა
5. კოლეჯი ვალდებულია არ დაუშვას თამბაქოს მოხმარების შედეგად არსებული კვამლის, ფერფლის, ნამწვის არსებობა, კოლეჯის შენობა-ნაგებობაში ან/და ტერიტორიაზე, გარდა ნებადართული ადგილებისა.
6. კოლეჯი ვალდებულია თამბაქოს მოწევის ფაქტის გამოვლენის შემთხვევაში, კანონით მინიჭებული უფლებამოსილების ფარგლებში, დაუყოვნებლივ აღკვეთოს იგი.
7. კოლეჯის შენობა-ნაგებობაში ან/და ტერიტორიაზე ასევე აკრძალულია:
  - ა) თამბაქოს ნაწარმის, თამბაქოს აქსესუარების ან/ და თამბაქოს მოხმარებისათვის განკუთვნილი მოწყობილობების რეალიზაცია ან/და განთავსება;
  - ბ) თამბაქოს ნაწარმის რეკლამირება;
  - გ) თამბაქოს მოწევის დემონსტრირება ბეჭდური ან ელექტრონული საშუალებით;
8. კოლეჯის ყველა შესასვლელში და სხვა თვალსაჩინო ადგილას უნდა განთავსდეს თამბაქოს მოწევის აკრძალვასთან/შეზღუდვასთან დაკავშირებული წესები, შესაბამისი წარწერა და ნიშანი თამბაქოს მოწევის აკრძალვის/შეზღუდვის თაობაზე, აგრეთვე იმ ფიზიკური პირის/დაწესებულების საკონტაქტო ტელეფონის ნომერი და სხვა ინფორმაცია, რომელთან დაკავშირებაც იქნება შესაძლებელი თამბაქოს მოხმარების აკრძალვასთან დაკავშირებული წესების დარღვევის შემთხვევაში;

დამტკიცებულია სსიპ კოლეჯი „თეთნულდის“ დირექტორის

2019 წლის 08 ოქტომბერი, №02/40 ბრძანებით

9. კოლეჯის ტერიტორიაზე მყოფი ნებისმიერი პირი ვალდებულია დაემორჩილოს კოლეჯის ნებისმიერი თანამშრომლის კანონიერ მოთხოვნას წინამდებარე წესის დაცვასთან დაკავშირებით;

10. წინამდებარე წესის დარღვევის შემთხვევაში კოლეჯის თანამშრომლები ვალდებული არიან:

- ა) აცნობონ მწეველს, რომ იმყოფებიან მოწევისათვის აკრძალულ ადგილას და ჩადიან სამართალდარღვევას;
- ბ) თავაზიანად მიუთითონ მწეველს შეწყვიტოს თამბაქოს მოწევა და შესთავაზონ მისი ჩაქრობის უსაფრთხო მეთოდი;
- გ) განუმარტონ მწეველს, რომ მისი ქმედება გამოიწვევს საჯარიმო სანქციებს და შესაძლოა, შესაბამისი ზომები გატარდეს დაწესებულების მიმართ, რაც გულისხმობს კანონდამრღვევი დაწესებულების დაჯარიმებას თამბაქოს კონტროლის შესახებ „საქართველოს კანონის მე-10 მუხლის მე-8 პუნქტით გათვალისწინებული დაწესებულების მიერ იმ შენობა-ნაგებობაში ან/და მის საკუთრებაში არსებულ ტერიტორიაზე, სადაც ის საქმიანობას ეწევა და სადაც თამბაქოს მოწევა აკრძალულია, თამბაქოს მოწევის აკრძალვის მოთხოვნის შეუსრულებლობა, თამბაქოს მოწევის აკრძალვასთან/შეზღუდვასთან დაკავშირებული წესების დაუმტკიცებლობა, შესაბამისი შენობა-ნაგებობის ან/და ტერიტორიის ყველა შესასვლელში და სხვა თვალსაჩინო ადგილას თამბაქოს მოწევის აკრძალვასთან/შეზღუდვასთან დაკავშირებული წესების, თამბაქოს მოწევის აკრძალვის/შეზღუდვის თაობაზე შესაბამისი წარწერისა და ნიშნის, აგრეთვე შესაბამისი საკონტაქტო პირის/დაწესებულების შესახებ საკონტაქტო ტელეფონის ნომრის და სხვა ინფორმაციის განუთავსებლობა, თამბაქოს მოწევის აკრძალვასთან/შეზღუდვასთან დაკავშირებული წესების დარღვევის აღუკვეთელობა, „თამბაქოს კონტროლის შესახებ“ საქართველოს კანონით დადგენილი სხვა ვალდებულებების შეუსრულებლობა - გამოიწვევს დაჯარიმებას 500 ლარის ოდენობით. სამართალდარღვევის ჩადენიდან 1 წლის განმავლობაში ამ სამართალდარღვევის მეორედ ჩადენა -გამოიწვევს დაჯარიმებას 1 000 ლარის ოდენობით.

სამართალდარღვევის ჩადენიდან 1 წლის განმავლობაში ამ სამართალდარღვევის მესამედ და მის შემდეგ ყოველი მომ დევნო ჩადენა - გამოიწვევს დაჯარიმებას 2 000 ლარის ოდენობით.)

11. იმ შემთხვევაში თუკი ფიზიკური პირი კვლავ გააგრძელებს თამბაქოს მოწევას, უარი უნდა ეთქვას მომსახურებაზე და მოეთხოვოს შენობის ან მისი ტერიტორიის დატოვება.

12. თუ ფიზიკური პირი განაცხადებს უარს დაემორჩილოს კანონის მოთხოვნებს, მის მიმართ უნდა გატარდეს კანონით დაწესებული პროცედურები.

13. ყველა მსგავსი ინციდენტი და გატარებული ღონისძიებები უნდა ეცნობოს კოლეჯის ადმინისტრაციას - საკონტაქტო პირს მატერიალური რესურსების კოორდინატორს შემდეგ საკონტაქტო ნომრებზე: 595409285

14. მწეველი პირის მხრიდან დაუმორჩილებლობისა და ძალადობის შემთხვევაში კოლეჯის ადმინისტრაცია უფლებამოსილია დაუკავშირდეს - (112).